

东西晋演义

【中国古典名著补续系列】

明·杨尔曾◎著



内蒙古出版集团
远方出版社

【中国古典名著补续系列】



东西晋演义

明·杨尔曾◎著

内蒙古出版集团
远方出版社

图书在版编目(CIP)数据

东西晋演义/[明]杨尔曾著.—呼和浩特:远方出版社,2014.1

ISBN 978-7-5555-0088-9

I. ①东… II. ①杨… III. ①章回小说—中国—明代 IV. ①I242.4

中国版本图书馆CIP数据核字(2013)第321857号

东西晋演义

- 作 者 [明]杨尔曾
责任编辑 董美鲜 胡丽娟
封面题图 马东原
版式设计 韩 芳
出版发行 内蒙古出版集团 远方出版社
社 址 呼和浩特市乌兰察布东路666号
(电话 0471—2236466 邮编 010010)
经 销 新华书店
印 刷 内蒙古爱信达教育印务有限责任公司
开 本 710×1000 1/16
字 数 560千
印 张 34
版 次 2014年6月 第1版
印 次 2014年6月 第1次印刷
印 数 1—5 000册
标准书号 ISBN 978-7-5555-0088-9
定 价 39.80元
-

如发现印装质量问题,请与出版社联系调换

一代肇兴，必有一代之史，而有信史、有野史。好事者纂取而演之，以通俗谕人，名曰“演义”，盖自罗贯中《水浒传》、《三国传》始也。罗氏生不逢时，才郁而不得展，始作《水浒传》，以抒其不平之鸣。其间描写人情世态、宦况闺思，种种度越人表。迨其子孙，三世皆哑，人以为口业之报。而后之作《金瓶梅》、《痴婆子》等传者，天且未尝报之，何罗氏之不幸至此极也？良亦尼父恶作俑意耳！今年仲夏，溽暑蒸人，洼居甚苦，偶遇泰和堂主人。主人者，貂蝉世胄，纨绔名家，秘窥二酉之藏，业擅五车之富，射雕献技，倚马呈奇，而尚义任侠，施予然诺，淄渑不爽。时以醇醪浇其胸中块磊之气，故其座常满，其尊不空，诚翩翩佳公子也。是日，以白堕迟我，觥筹交错，丙夜不休。迨醉眠，鸡鼓翼再鸣矣。主人语我曰：“某欲刻《东西两晋传》，而力有未逮。得君为我商订，庶乎有成。”余曰：“某非董狐也，子盍谋之外史氏乎？”主人曰：“昔弇州氏以高才硕抱，不得入史馆秉史笔，故著述几亿万言。今君颠毛种种，仕路犹賒，宁不疾歿世而名不称乎？且是编也，严华裔之防，尊君臣之分，标统系之正闰，声猾夏之罪愆，当与《三国演义》并传，非若《水浒传》之指摘朝纲，《金瓶梅》之借事含讽，《痴婆子》之痴里撒奸也。君何辞焉？”余爱是标题甲乙，稍加铅槧，迨秋仲而杀青斯竟。间有姓氏之错谬，岁月之参差，郡邑之变更，官爵之误，先后之倒置，章法之紊乱，皆非我意也，仍旧文而稍加润色耳。知我者，幸毋以莺鹑见哂。

西 晋

始武帝乙酉篡位自立，终愍帝丙子。四帝，共五十二年。为“五胡”伪汉刘聪所灭。

其祖司马懿，河内温县人。其先出自高阳之子重黎，为夏官祝融。及周，以夏官为司马，因以氏焉。楚汉间司马卬之后也。曹操辟懿为丞相文学掾。魏文帝时，为抚军、录尚书事，受顾命辅政。明帝时，迁大将军。齐王，迁太尉丞相，加九锡。卒，子师乃为大将军、录尚书事。废齐王，立高贵乡公。卒，弟昭袭位，大将军、录尚书事。弑高贵乡公，立陈留王。进位相国，封晋公，加九锡，总百揆，进爵为王。卒，子炎嗣，为相国、晋王。

乙酉，武帝姓司马名炎，司马懿之孙，司马昭之子。篡魏称帝，承魏大德，以金德王，都洛阳，平吴混一。在位二十五年，寿五十五。改元者四：泰始（十）、咸宁（六）、太康（十）、太熙（一）。

庚戌，惠帝名衷，武帝子。在位十七年。东海王越鸩之，寿四十八。改元者十一：永熙（一）、永平（一）、元康（九）、永康（二）、永宁（二）、太安（二）、永安（一）、建武（一）、永安（一）、永兴（三）、光照（一）。

丁卯，怀帝名炽，武帝子。在位七年。为“五胡”刘聪所擒，寿三十。改元者一：永嘉（七）。

癸酉，愍帝名邺，武帝孙。在位四年。为五胡刘聪所擒，寿十八。改元者一：建兴（五）。

“八王”用事之次：

汝南王司马亮，贾后使玮杀之。

楚王司马玮，张华劝贾后杀之。

赵王司马伦，篡位伏诛。

齐王司马冏，被司马乂杀之。

长沙王司马乂，被越杀之。

成都王司马颖，长史刘舆鸩之。

河间王司马颙，南阳王模遣将杀之。

东海王司马越，忧惧成疾，薨于项。还葬东海，石勒追及伐军焚尸，世子毗及宗室四十八王皆殁。

东 晋

元帝，太安之际，童谣云：“五马浮渡江，一马化为龙。”永嘉元年，琅邪王睿与西阳王羣、汝南王佑、南顿王宗、彭城王紘，同获济，而元帝睿即大位。

始元帝因怀、愍二帝为伪汉刘聪所执，丁丑渡江，于戊寅即位在建康，终恭帝。

十一帝，共一百三年。己未年，被刘裕篡位灭之。

丁丑，元帝姓牛名睿，乃琅邪恭王妃夏后氏因与小吏牛氏通所生，而冒姓司马氏，实牛姓，是应“牛继马后”之讖也。承西晋，以金德王，都于建康，在位六年。寿四十七。改元者三：建武（二）、太兴（四）、永昌（二）。

癸未，明帝名绍，元帝子。西朝之教始兴。帝在位三年，寿二十七。改元者一：太宁（三）。

丙戌，成帝名衍，明帝子。五岁即位，太后临朝，王导辅政。在位十七年，寿二十二。改元者二：咸和（九）、咸康（八）。

癸卯，康帝名岳，明帝子。在位二年，寿二十三。改元者一：建元（二）。

乙巳，穆帝名聃，康帝子。三岁即位，褚太后临朝，在位十七年，寿十九。改元者二：永和（十二）、升平（五）。

壬戌，哀帝名丕，成帝子。在位四年，寿二十五，改元者二：隆和（二）、兴宁（三）。

丙寅，废帝名奕，成帝子。在位六年，寿四十五。虚器徒拥，为桓温所废，为东海王，又降为海西县公。改元者一：太和（六）。

辛未，简文帝名昱，元帝子。在位二年，寿五十三。改元者一：咸安（二）。

癸酉，孝武帝名曜，简文帝子。十一岁即位，谢安辅政，在位二十四年，寿



三十五。因醉，为张贵人所弑。改元者二：宁康（三）、太元（二十一）。

丁酉，安帝名德宗，孝武帝子。桓玄篡位，废为平固王。迁为寻阳，又奔江陵。刘裕诛玄复位，后为刘裕所弑。在位二十二年，寿三十七。改元者三：隆安（五）、元兴（三）、义熙（十四）。

己未，恭帝名德文，孝武帝子。刘裕立之，在位一年，寿三十六。改元者一：元熙（二）。为刘裕所篡，封零陵王，寻弑之。

两晋后妃纪

杨皇后，被妇贾后所废，害之。胡贵嫔，武帝妃也。

贾皇后，惠帝后，凶悍，谋害太子，被赵王伦废之。

羊皇后，惠帝后，被后赵王刘曜掳去为后。

杜皇后，杜预曾孙，成帝之后，后美无齿，帝纳入宫，一夜遂生。

李太后，孝武帝母，梦二龙枕膝，日月入怀，而生帝。

王皇后，即安帝后也。

五胡僭伪十六国王纪元

前凉

张轨，安定乌氏人，汉赵王张耳十七世孙。晋惠帝永宁元年为凉州刺史，因据之。安帝拜凉州牧、西平公。始晋太安二年癸亥，终东晋太元元年丙子。八王，共七十四年。前秦苻坚灭之。张轨在位十二年。

张寔，轨之子，为妖贼所杀。在位六年。僭号改元者一：永安（六）。

张茂，轨之子，寔之弟，被刘曜击，出降，卒。在位三年。僭号改元者一：永元（三）。

张骏，寔之子，自称凉王，妖人杀之。在位二十二年。僭号改元者一：太元（二十二）。

张重华，骏之子。晋穆帝仍以为凉州刺史、西平公。复自称凉王。在位九年。僭号改元者一：永乐（九）。

张曜灵，重华子。立二月，国人废之，立张祚。

张祚，骏之子。立一年，僭号改元者一：和平（一）。明年去年号，遇杀。

张玄靓，重华之子，曜灵之弟。在位九年。僭号改元者一：太始（六）。明年奉晋升平年号，张天锡弑之。

张天锡，玄靓叔父。弑玄靓自立，降于苻坚。坚寇晋，于阵降晋。诏复西平公。在位十二年。僭号改元者一：凤凰（十二）。

后凉

吕光，略阳氐人。苻坚灭西域还凉州，入姑臧，闻坚遇弑，遂据姑臧。自称凉州牧、酒泉公、三河王，即凉王位。

始东晋太元十一年丙戌，终元兴二年癸卯。三主，共十九年。后秦姚兴灭之。吕光在位十三年。僭号改元者三：太安（三）、麟嘉（六）、龙飞（四）。

吕绍，光嫡子。庶长子纂杀绍自立。

吕纂，光庶长子。杀绍自立。三年，光弟宝之子超杀纂而立兄隆。僭号改元者一：咸宁（三）。

吕隆，宝之子。降于姚兴。在位三年。僭号改元者一：神鼎（三）。

南凉

秃发乌孤，河西鲜卑人。吕光署为广武郡公，筑广州堡以都之。自称西平王、武王，徙都乐都。又据广武，今兰州金城县。

始东晋隆安元年丁酉，终义兴十年甲寅。三主，共十八年。西秦乞伏炽盘灭之。

秃发乌孤在位三年。僭号改元者一：太初（二）。

利鹿孤，乌孤弟。徙居西平，称河西王。在位二年。僭号改元者一：建和（二）。

傉檀，利鹿孤弟。在位十三年，称凉王，迁乐都。为乞伏炽所杀。僭号改元者二：弘昌（六）、嘉平（七）。

西 凉

李暠，小字长生，陇西成纪人。汉前将军李广十六世孙。高曾祖仕晋，历郡守。祖仕张轨。父早卒，遗腹生暠。北凉王段业以为敦煌太守，又推为秦、凉二州牧。凉王奉表于晋称藩，据敦煌，徙酒泉。

始东晋隆安四年庚子，终宋永初二年辛酉。三主，共二十二年。北凉沮渠蒙逊灭之。

李暠在位十二年。僭号改元者二：庚子（四）、建初（八）。

李歆，暠之子。嗣立九年。为沮渠蒙逊所害，在位九年。僭号改元者一：嘉兴（九）。

北 凉

沮渠蒙逊，临松卢水胡人。起兵推建康太守段业为凉州牧、凉王。后蒙逊杀段业自立，据张掖，今甘州。

始东晋隆安元年丁酉，终宋元嘉十六年己卯。三主，共四十三年。后魏灭之。

段业，在位五年。僭号改元者二：神玺（二）、天玺（三）。

沮渠蒙逊杀段业自立，称凉州牧、张掖王。迁于姑臧，称河西王。在位三十二年。

僭号改元者四：永安（十二）、玄始（十四）、承玄（二）、义和（四）。

牧犍，蒙逊子。在位六年，为后魏太武所杀。僭号改元者一：永和（六）。

前赵（初号汉）

刘渊，新兴匈奴人，冒顿之后。晋惠帝永兴元年自称大单于，据离石左国城，建国号汉，称汉王。即帝位，迁都平阳，为“五胡乱华”之首。

始西晋永兴元年甲子，终东晋咸和四年己丑。三主，共二十六年。后赵石勒灭之。

刘渊在位六年。僭号改元者三：元熙（四）、永凤（一）、河瑞（一）。

刘和，渊之子。立一月，为弟聪所杀。

刘聪，渊次子。弑兄自立，在位八年。僭位号改元者四：光兴（一）、嘉平（四）、建元（一）、麟嘉（二）。

刘粲，聪之子。立一月，为靳准所杀。刘氏男女无少长皆斩东市，发渊、聪冢，斩聪尸，焚其庙。

刘曜，聪族子。讨靳准自立，改国号赵，在位十二年。为石勒所杀。僭号改元者一：光初（十二）。

后赵

石勒，上党人，系羯人。晋惠帝太安中为群盗，归刘渊，以为平晋，后自为赵王，据襄国，灭前赵，即帝位，徙都平漳。为“五胡乱华”之从。

始东晋大兴二年己卯，终永和七年辛亥。七主，共三十三年。冉闵灭之。

石勒在位十五年，九年无年号。僭号改元者二：太和（二）、建平（四）。以胡僧佛图澄创捏胡经，以扶胡教。

石弘，勒之子。立一年，为勒从子石虎所弑，勒种无遗。僭号改元者一：延熙（一）。

石虎，勒从子。弑石弘自立，迁都邺，在位十五年。僭号改元者二：建武（十四）、太宁（一）。

石世，虎嫡子。立一月，为庶兄石遵所杀。

石遵，虎庶长子。立十月，杀石世自立。为石鉴所杀。

石鉴，虎之子。立二月，改元青龙，杀石遵自立。为虎养孙石闵杀之，并石虎三十八孙尽灭，石氏无遗类，杀胡羯二十八万人。

石祗，虎族子。立二年，改元永宁。因石鉴遇害，称帝于襄国。为其将刘显所弑。僭号改元者一：永宁（二）。

夏

赫连勃勃，匈奴右贤王去卑之后，刘渊之族也。统朔方。

始东晋义熙三年丁未，终宋元嘉八年辛未。三主，共二十五年。后魏太武灭之。

赫连勃勃，在位二十年。僭号改元者四：龙升（六）、凤翔（五）、昌武（三）、真兴（六）。

赫连昌，勃勃子。为后魏所擒，立一年。僭号改元者一：承光（一）。

赫连定，昌弟。击北凉，为吐谷浑所执，送魏，夏遂亡。在位四年。僭号改元者一：胜光（四）。

后 蜀

李特，巴西宕渠人。晋武帝太康中关西乱，百姓流移就谷，特随流人寄食蜀汉。晋太安中遂据益州，自称益州牧。子雄，称成都王。即帝位，国号成。

始西晋太安二年癸亥，终东晋永和三年丁未。五主，共四十五年。晋桓温灭之。

李特在位二年。僭号改元者一：建初（一）。

李雄，特之子。在位三十一年。僭号改元者三：建兴（二）、晏平（五）、玉衡（二十四）。

李期，雄兄之子。为雄弟寿所杀，在位三年。僭号改元者一：玉恒（三）。

李寿，雄之弟。杀期自立，在位六年，改国号汉。僭号改元者一：汉兴（六）。

李势，寿之子。降于晋桓温，在位三年。僭号改元者二：太和（一）、嘉宁（一）。

魏

不在十六国数。始东晋永和六年庚戌，终永和八年壬子。共三年。前燕慕容隽灭之。

冉闵，魏郡内黄人。石虎养子，冒姓石氏，杀石鉴自立，复姓冉氏。国号魏，在位三年。僭号改元者一：永兴（三）。

前 燕

“五胡乱华”之一。慕容廆，小字弈洛瓌，昌黎鲜卑人。其先有熊氏之苗裔，世居北夷，号曰东胡。后为匈奴所败，分保鲜卑山，因以为号，以慕容为氏。又辽西廆父涉归，为鲜卑单于，迁邑于辽东。廆继立，自称鲜卑大单于。晋元帝封昌黎公，据邺都。

慕容廆在位三十一年，未有号。

慕容皝，廆之子。称燕王，在位十六年。

慕容隼，皝之子。自即帝位，在位十三年，四年无年号。僭号改元者二：元玺（五）、光寿（四）。

慕容暉，隼之子。降于苻坚，寻为所杀，在位八年。僭号改元者一：建熙（八）。

后 燕

据中山，今定州。慕容垂，皝第五子。慕容隼封吴王，与慕容评相忌，奔秦仕苻坚。坚寇晋，兵败，伏归燕，自称燕王，定都中山，即帝位。

始东晋太元八年癸未，终义熙四年戊申。五主，二十六年。北燕冯跋灭之。

慕容垂立十二年，二年无年号。僭号改元者一：建兴（十）。

慕容宝，垂之子。立三年。僭号改元者一：永康（三）。

慕容盛，宝之子。立三年。僭号改元者二：建平（一）、长乐（二）。

慕容熙，垂少子。立六年，为冯跋及慕容宝养子高云所杀。僭号改元者一：光始（六）。

高云弑慕容熙，自立二年，为幸臣离班桃仁杀之。僭号改元者一：正始（三）。

南 燕

据广固，今青州。慕容德，皝之少子，垂之弟也。慕容暉封为范阳王，慕容宝以为丞相，领冀州牧，遂自称燕王。入青、齐、广固，即帝位。

始东晋隆安二年戊戌，终义熙六年庚戌。二主，十三年。刘裕灭之。

慕容德，立七年，僭号改元者一：建平（七）。

慕容超，德兄之子。立六年，为晋刘裕所执，送建康斩之。僭号改元者一：太上（六）。

北 燕

冯跋，长乐信都人。与高云杀慕容熙，推高云为主。云遇杀，众推冯跋即天王位，国号燕，据昌黎，今滦州。

始东晋义熙五年己酉，终宋元嘉十三年丙子。二主，二十八年。后魏太武灭之。

冯跋立二十三年，僭号改元者一：太平（二十三）。

冯弘，跋之弟。杀跋之子而自立，五年，为后魏太武所灭。东奔高丽，后见杀。僭号改元者一：太兴（五）。